



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-11-3- 1254-2/21
Datum: 22.11.2021. godine

Na osnovu člana 13. stav 1. alineja 9. i člana 119. stav 2. alineja 11. Zakona o zdravstvenoj zaštiti ("Službene novine FBiH", broj: 46/10 i 75/13), člana 10. tačka 5. Zakona o zaštiti stanovništva od zaraznih bolesti Federacije BiH ("Službene novine FBiH" broj: 29/05), Naredbe Ministarstva zdravstva ZDK o provođenju obavezne preventivne sistematske deratizacije na području ZDK – jesenja faza 2021. godine, broj: 11-33-6901-1/21 od 12.05.2021. godine, Programa provođenja obavezne preventivne sistematske deratizacije na području ZDK 2021. godini broj: 11-33-6901/21 od 12.05.2021. godine i člana 30. Statuta Općine Tešanj ("Službeni glasnik Općine Tešanj", broj: 11/07), Općinski načelnik d o n o s i

N A R E D B U

o provođenju obavezne preventivne sistematske deratizacije na području općine Tešanj - jesenja faza 2021. godine

I

Naređuje se provođenje obavezne preventivne sistematske deratizacije na području općine Tešanj – jesenja faza u periodu **od 29.11.2021g. do 06.12.2021.godine**, u skladu sa Programom provođenja obavezne preventivne sistematske deratizacije na području Zeničko-dobojskog kantona u 2021. godini.

II

Općina Tešanj obavezna je za objekte i površine iz svoje nadležnosti organizovati i provesti sistemsku deratizaciju na području općine u utvrđenom periodu.

Pravna i fizička lica, vlasnici ili korisnici prostora i površina koje podliježu obaveznoj preventivnoj sistemskoj deratizaciji, i to:

1. centralne deponije,
2. objekti za javno vodosnabdijevanje i kanalizaciona mreža sa šahtovima i izlivnim kolektorima,
3. objekti i površine svih fizičkih i pravnih lica koji obavljaju poslovnu djelatnost,
4. objekti i sredstva javnog saobraćaja,
5. objekti za proizvodnju i promet živežnih namirnica i predmeta opće upotrebe sa pripadajućim vanjskim površinama,
6. objekti za pružanje usluga javne higijene i
7. zajednički prostori stambenih zgrada (podrumi i tavani).

obavezni su isključivo u navedenom periodu organizovati i provesti sistemsku deratizaciju.

III

Subjekti koji podliježu obavezi provođenja preventivne sistematske deratizacije-jesenja faza za provođenje poslova obavezni su angažovati zdravstvene ustanove, privreda društva odnosno fizičke osobe-obrtnike koje posjeduju odobrenje Federalnog ministarstva zdravstva koje uključuje upotrebu otrova II i III grupe i ispunjavaju uslove u pogledu stručnog kadra za obavljanje preventivne sistematske deratizacije.

IV

Poslove preventivne sistematske deratizacije objekata i površina kojima upravljaju pravna i fizička lica finansirat će dotični subjekti iz vlastitih sredstava, a površina i objekata u državnom vlasništvu Općina Tešanj i Vlada ZE-DO kantona.

V

Obavezi provođenja preventivne sistematske deratizacije podliježu svi subjekti naznačeni u ovoj Naredbi, a u protivnom biti će sankcionisani prema važećim propisima.

Kontrolu izvođenja deratizacije za područje općine Tešanj provodit će nadležni sanitarni inspektor.

VI

Provođenje akcije obavezne preventivne sistematske deratizacije nadzirat će Kantonalna uprava za inspeksijske poslove, putem ovlaštenog sanitarnog inspektora.

VII

Ova naredba stupa na snagu danom donošenja, a objavit će se u “Službenom glasniku Općine Tešanj” i putem sredstava informisanja.

DOSTAVLJENO

1. Dom zdravlja Tešanj
3. Ministarstvo zdravstva Zenica
4. Općinski sanitarni inspektor
5. Mediji
6. Oglasna ploča
7. Web stranica Općine Tešanj
8. “Službeni glasnik Općine Tešanj”
9. a/a



OPĆINSKI NAČELNIK

Mr. Sci. Suad Huskić